

# Ե Ս Ս Ի Ր Ե Ց Ի Ք Ե Ջ, Ղ Ա Ր Ա Բ Ա Ղ

Ես դարաբաղցի շեմ: Ու երբեք չեմ եղել Ղարաբաղում: Ինձ նման բախտ չի վիճակվել: Ղարաբաղը իմ պատկերացումներում, իմ հուշերում միշտ եղել է անկրկնելի, վիպական աշխարհ: Հավանաբար, այդ սիրուց էր այն հուզմունքը, որ զգացի, երբ վերջերս իմ թղթակցությունը տրպագրվեց «Սովետական Ղարաբաղ» թերթում: Լեոնային Ղարաբաղի անունը, որն այժմ հնչում է ամենատարբեր ամբիոններից, և իր վրա է սևեռել մեր երկրի լայն հասարակայնության ուշադրությունը, թանկ է ինձ համար ու նվիրական:

1940 թվական: Էջմիածնում որպես գնդի հրամանատար էր ծառայում ապագա Սովետա-

կան Միության մարշալ Հովհաննես Բաղրամյանը: Անվանի զորավարից իմ տարիքի երեխաները շատ բաներ իմացան Ղարաբաղի մասին: Սա իմ առաջին ծանոթությունն էր Ղարաբաղի հետ: Անցան տարիներ: Մեծ հայրենականի դաժան օրերին, Ուկրաինայի Պոլտավա քաղաքի ազատագրության ժամանակ ծանր վիրավորվում է Ղարաբաղցի, հետագայում գուսան Բագրատը: Արդեն գրնդի զինվորներին սիրելի այս երգիչը՝ Բագրատը, ստանալով առաջին բժշկական օգնությունը, խնդրում է բժշկուհուն. Սիրո փոշին դու իմ սրտից

չսրես. Խնդրում եմ ինձ առողջ տղա դարձնես, Ղարաբաղի լեռներին եմ բնակիչ, Հույսով եմ, որ մի դեղ կտաս ինձ փրկիչ: Մինչև այսօր էլ անգիր հիշում եմ այս տողերը: Հայրենական պատերազմի ավարտից հետո աշխատել եմ Հայկական ՍՍՀ էջմիածնի շրջանի Շահումյան գյուղում՝ որպես ակումբի վարիչ: Շուրջ 20 տարի կապ եմ ունեցել գուսան Բագրատի հետ: Նա շատ հետաքրքիր պատմություններ էր պատմում հայրենի Ղարաբաղի մասին: Ես կլանված

լսում էի նրա կարոտագին խոսքերը: Այնուհետև անցան տարիներ: Ղարաբաղցի իմ ծանոթներ-բարեկամների ցուցակը ավելացավ. Մարտակերտից՝ Արմեն Սարգսյան, Հաղրոնից՝ Հասմիկ Հովհաննիսյան, Ստեփանակերտից՝ Գուրգեն Հակոբյան, Իզաբելյա Ստեփանյան և շատ-շատերը: Ես սիրեցի Ղարաբաղի քաղցրաբառ լեզուն: Սիրեցի նրա աշխատավոր ու բարի մարդուն: Սիրտս անափ մի ուրախությամբ է միշտ լցվում, երբ չպատահական առիթներ ինձ նոր ծանոթություններ են բերում:

Կիևի զինվորական օկրուգում որպես սերժանտ ծառայում է տղաս: Ամեն անգամ, երբ այցելում եմ նրան, որդուս հետ միասին ինձ տեսություն է գալիս սև մազերով, առնական տեսքով մի երիտասարդ, Ստեփանակերտ քաղաքի բնակիչ, երիտասարդ զինվոր Արարատ Գրիգորյանը: Իր քաջ նախնիների սերնդից է նա՝ հպարտ, խելացի: Խոսում է ինքդեռից-դեռից, այսօրվա Ղարաբաղի հոգսերից: Երբ Ղարաբաղի անունն էր տալիս, ես արցունքներ եմ նկատում զինվորի աչքերի խորքում:

Ոչ, թուլություն նշան չէր դա, այլ մտահոգության՝ իր երկրամասի վաղվա օրվա հանդեպ: Ղարաբաղ աշխարհը նաև իմ սիրտն ու հոգին է: Նրա ցավն ու հոգսը, ուրախությունն ու վիշտը, հաջողությունն ու պարծանքը՝ նաև իմ մըն են: Ես փորձում եմ խոսքեր գտնել արտահայտվելու, բայց չեմ կարողանում: Տուն եմ դառնում, ու հուշերս ու մտորումներս ինձ հանգիստ չեն տալիս: Աչքերիս առջև են գալիս տարիների ընթացքում ինձ պատահած Ղարաբաղցիների կերպարները՝ հեռավոր սիրո պես ցանկալի, անծանոթ Ղարաբաղս: ԴԵՐԵՆԻԿ ԵՐԵՄՅԱՆ  
Բ. Կիև